



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Pallium interdum tribuebatur Episcopis, tamensi Metropolitani non essent. Hi verò contendebant sibi quoque competere privilegium exemptionis à jurisdictione synodorum. Verùm exemptio illa non ...

urn:nbn:de:hbz:466:1-15617

tifice receperunt, judicandos non esse ab Episcopis provincialibus absque auctoritate sedis apostolicæ, quemadmodum à Leone Papa decretum est. Axioma illud non receptum erat absolutè in Gallia; ut adnotatum est superius, quum relata sunt exempla Metropolitanorum dejectorum. Veruntamen certum est potuisse Papam, si ita existimaret, sibi reservare judicium Metropolitanorum; ut suprà vidimus factitum à Celestino, Leone, & Hilario. At Hincmarus, ut fatus Pontifici faceret, & ut sibi, qui Metropolitanus erat Remensis, patrocinaretur, regulam illam invehere conatus est.

VII. Interdum autem Episcopis, contemplatione meritorum, Pallium à sede apostolica tribuebatur, tametsi illi non essent Metropolitani. Hi verò contendebant sibi quoque competere privilegium exemptionis à jurisdictione synodorum; ut patet ex Theodulfo Aurelianensi Episcopo, qui sub Ludovico Pio depositus fuit. Ait enim:

*Solum illud opus Romani Praefulis extat,
Cujus ego accepi Pallia sancta manu.*

Attramen si penitus introspiciamus privilegium quod unà cum Pallio Hadrianus secundus concessit Actardo Episcopo Nantensis anno octingentesimo sexagesimo octavo, facilè deprehendemus illud coerceri ad casum appellationis vel recusationis, exemptionem verò illam non derogare auctoritatì synodorum. Præterea concedi Pallium nemini poterat absque consensu Regis & Episcoporum Galliarum, ob exemptionem illam à jurisdictione. Hæc sunt Hadriani verba ad eundem Actardum Episcopum Nantensem: *Nullus Metropolitanorum antistitut vel ceterorum Episcoporum in controversia criminis, si sedem appellaveris apostolicam, vel ejus speciali expetieris audiiri vel discuti fortassis examine, presumat de te proferre, non nostra p[ro]missio decreto, judicium; sed apostolice sedis tantum reserveris examinandum vel judicandum in- cunctanter arbitrio.*

VIII. Ceterum ex his Hadriani verbis petitur validissimum argumentum ad probandum constitutiones Gregorij quarti & Leonis quarti receptas tum non fuisse in Gallia; cùm id quod triginta ante annis constitutum fuerat in gratiam omnium Episcoporum, nimirum ut si sedem apostolicam appellaverint, eorum judicio supersedeatur, nunc ab Hadriano. tribuatur Actardo ut privilegium, contemplatione Pallij.

IX. Magni autem momenti sunt verba Hincmari ex quibus quinque illæ regulæ colliguntur, ideoque opera pretium fuerit ea referre. I. *Absit enim à nobis ut privilegium*

prime & summe sedis sancte Romane Ecclesiæ Pontificis pro sic parvo pendamus ut controversias & iurgias tam superioris quam etiam inferioris ordinis, que Niceni & ceteri sacrorum Conciliorum canones & Innocentij atque aliorum sancte Romane sedis Pontificum decreta in synodis provincialibus à Metropolitanis precipiunt terminari, ad vestram summam auctoritatem fatigandam ducamus. II. At si forte de Episcopis causa nata fuerit unde certa & expressa in sacris regulis non habeamus judicia, & ob id in provinciali vel in comprovinciali nequeat examine definiri, ad divinum oraculum, id est, apostolicam sedem, nobis inde est recurrendum. IV. Si etiam de majoribus causis à provinciali Episcopo ad electorum judicium non fuerit provocatum, III. & in aliqua causa idem Episcopus fuerit judicatus, id est, à gradu suo in comprovinciali synodo dejectus, & putat se bonam causam habere, & appellaverit qui dejectus est, & confugerit ad Episcopum Romane Ecclesiæ, ---- ad illius dispositionem secundum septimum Sardicensis Concilij capitulum renovabitur examen. V. Nam de Metropolitanis per sacras regulas constituto, qui ex antiqua consuetudine ab apostolica sede Pallium accipit, sicut Leo ad Anastasiū, quod & Nicenum Concilium innuit, & ceteri Romane sedis Pontifices in decreto suis ex sacris canonibus monstrant, sedis ipsius Pontificis etiam ante judicium est sententia prestolanda.

X. Tanta autem erat Ecclesiæ Gallicanae pervicacia quoad quartum caput harum regularum, ut cùm ipsa juxta canones Africanos contendenter admittendam non esse appellationem à sententiā judicium electorum, videret tamen Nicolaum multum urgere ut Rothadus Romanam adduceretur, quod Episcopi mitterent vicarios, queis coram causa retractaretur, ea erat, ut dixi, Episcoporum Gallicanorum in hoc capite pervicacia, ut temperamentum quæsiverint quod utrorumque jura salva & illibata permanerent. Hincmarus enim scribit justum esse ut Rothadus Romanam proficiatur, quandoquidem ita jubebat Summus Pontifex; cùm æquum prorsus sit ut quilibet Episcopus ab eo vocatus Romanam accedat, nisi legitima excusatione præpediatur; tum æquum pariter esse ut Episcopi illuc mutant vicarios suos, cùm id Summo Pontifici placeat. in quo satisfacit dignitati sedis apostolicæ. Sed tamen eos limites prescribit potestati suorum vicariorum, ut manifeste appareat eum providere voluisse ne quid detrimenti caperent jura canonica Ecclesiæ Gallicanæ. Neque enim eos mittit ut accusatores, aut ad convincendum Rothadum, sed ut repellant accusations